

الأعمال الكاملة للدكتور مصطفى محمود

الإنسان والظل

المكتبة العربية
www.tipsclub.net
amly

دكتور مصطفى محمود

دار
أخبار اليوم

قطاع الثقافة
والكتب والمكتبات

رئيس مجلس الإدارة :

محمد عهدي فضلي

الدكتور مصطفى محمود

الإنسان والظل

مسرحية من فصولين

دار أخبار اليوم
قطاع الثقافة
جمهورية مصر العربية
٦ شارع الصحافة القاهرة
فاكس : ٢٥٧٩٥٨٩٦

شخصيات المسرحية

رحمى سعودى : قاض ٥٠ سنة.

كوثر : زوجته ٣٥ سنة .

توفيق : مُحام ابن عم كوثر .

ام رحمى : والدة القاضى .

فضل الشرقاوى : مُتهم حُكم عليه بالإعدام .

حاجب المحكمة

بوسطجى

متهمون آخرون حُكم عليهم بالإعدام فى أحكام سابقة وشنقوا .

تصميم الغلاف :

د. عبد الكريم محمود

برولوج الوقت نهارا

المنظر

منصة القاضي فيها المستشار رحى سعودى إلى جانبه عضوان
عضو يمين ، وعضو يسار ، بينما تفتح الستار يلقى النور الكاشف على
وجه المستشار رحى ونراه يقوم ليلقى بالحكم
رحى : باسم الأمة : حكمت المحكمة على المتهم فضل
الشرقاوى حضورياً بالإعدام .

[ضجيج يشمل القاعة عند سماع كلمة «حضورياً»
ويغرق صوت القاضي]

صوت امرأة : برى، ياسعادة البيه .. برى، برى ..
صوت الشرقاوى : لا .. أنا قتلت .. قتلت .. بإيديا دول .. ولو شفته
قدامى حاقته تانى [يصرخ] فين هوه وأنا أقتله
تانى .. فين هوه وأنا أقتله تانى ..
[ظلام تدريجى على المسرح واختفاء تدريجى
للصوت حتى يختفى المنظر تماما]

الفصل الأول

الوقت : مساء

[تراح الستار للمنظر الثانى فى بيت القاضى
رحمى .. غرفة مكتب ستيل واسعة أنيقة ..
مكتب كبير منقوش بالأويمة طراز قديم ومكتب
على رفوف بالجدران .. ساعة حائط وستارة
على النافذة عدد من الكراسى الجلدية .. صورة
لرحمى فى روب القضاء والوشاح الأخضر ذى
الهلال والنجوم .. باب الغرفة مفتوح وترى من
خلاله بوضوح أم رحمى تصلى على سجادة فى
الغرفة الأخرى .. زهريات ورد كبيرة فى كل مكان .
كوثر تقطع الغرفة ذهاباً وإياباً فى عصبية ..
ثم تتوقف لتلتفت حولها .. تضع يدها على
أذنيها .. ثم تعود لتذرع الغرفة فى عصبية ..
يبدو أنها فى أزمة .
ترى الأم تطوى السجادة وتسمع كلمة]

الأم

: يارب .

[الأم تدخل من الباب .. كوثر تلقى بنفسها بين

ذراعيها]

كوثر

: [هاتفة] : أنا مش قادرة استحمل أكثر من كده ..

مش قادرة .

الأم

: يابنتى الصبر طيب .

كوثر

: أنا مش عارفة جرى له إيه .. مش ده رحمى ..

رحمى اللى متجوزاه من ٣٠ سنة .. رحمى اتغير .

الأم

: يابنتى دى وسوسة شيطان.

كوثر

: تصوورى إنه كان حايق تلتنى .. رحمى .. العاقل

الهادى اللى عمره ما رفع صوته عليه .

الأم

: يمكن كان تعبان من الشغل .. وأنت عارفه أنه

بيسهر للفجر يقرأ القضايا سطر سطر .. وحرف

حرف .

كوثر

: طول عمره بيشتغل ويسهر .. عمره ما اشتكى ولا

فقد أعصابه .. إيه اللى غير حاله ؟ حانقول بيشرب

.. عمره ما حط الخمرة فى بقه .. حتى السجائر

مايبدقهاش .

الأم

: ولاد الحرام كثير يا بنتى

كوثر

: وحايشفوه منين ؟ ده مالوش

طريق غير شغله .. من البيت للمحكمة ومن المحكمة

للبيت.

الأم

: يمكن فيه حاجة تعباه .. يمكن فيه فى قلبه حاجة .

كوثر

: ياريت يفتح لى قلبه .. ياريت يشتكى لى .. كام

مرة اتمنيت أنه يقعد جنبى يكلمنى من غير تكليف

يحكى لى متاعبه يكاشفنى بعواطفه .. لكن أبداً ..

العمر اللى عشناه كان كله تكليف .. ورسميات ..

كان دائماً القاضى الوقور المتحفظ .. حتى فى بيته

أنا عمرى ما عرفته .. أنا مراته عمرى ما عرفته .

الأم

: أنا أمه وعارفاه .. رحمى طيب وغلبان .

كوثر

: عمرى ما حسيت انه طيب .. اسألى أى حاجب فى

المحكمة يقولك إنه بيحكم من غير رحمة .. مافيش

متهم وقع بين إيديه ماخدش إعدام أو أشغال

شاقة .. دايماً بيحكم بأقصى العقوبة .. أقصى

العقوبة .. وفى البيت معايا ومعاكى ومع الخدامين

ما عندوش قلب .. كل شىء عنده بالعقل والمنطق ..

حياته مواد .. ولوايح .. وقوانين [تصرخ] لكن

أحنا بشر بشر بشر !

الأم

: يابنتى أنت جرى لك إيه ؟

كوثر

: [تنهار باكياً] : أنا مش عارفة أنا جرى لى إيه ..

أنا باخاف منه .. باخاف أبص فى عينيه بيتهيالى
أنه حايقتلنى .. تصوورى إنه بيشك فيه أنا مراته
من ٢٠ سنة .. بيشك فيه .

[نرى توفيق داخلا .. شاب أنيق وسيم -
محامى ابن عم كوثر وصديق الزوج]

تعالى يابنى شوف بنت عمك جرى لها إيه .. أنا
مش فاهمة إيه حكايتها .

[الأم تخرج .. توفيق مقبلا على كوثر المنهارة
على الكرسي]

إيه يا كوثر مالك ؟

[مازالت تكي] : مش عارفة يا توفيق .. حاسة
إنى مش عايشة .. أعصابى بتنهار يوم بعد يوم أنا
باتخنى فى البيت ده .. بتخنى .

إيه الكلام ده ؟ انت اتجننتى ؟ دلوقتى عرفت ليه
بتشتكى من معاملة رضى اللى اتغيرت .. دلوقت
عرفت مين اللى اتغير .

مين اللى اتغير ؟

انت اللى اتغيرتى يا كوثر .. انت اللى جنينتى
جوزك وخليته يخرج عن صوابه .

ياريتنى أقدر أخليه يخرج عن صوابه .. دنا عمرى

ما قدرت أأثر فيه . عمرى ما قدرت أحرك قلبه ..
كان دائماً العاقل الكامل الجامد الشعور اللى
مافيش حاجة تهزه .. كام مرة اتمنيت أنه يغلط
عشان أسامحه .. يضعف عشان أقف جانبه ..
أحس مرة أنه بنى آدم وأنه له قلب وعواطف .

صحيح هى دى طبيعة رضى طول عمره .. وهو
طالب فى الحقوق .. وهو فى النيابة .. وهو فى
القضاء : كان دائماً الإنسان العاقل الساكت اللى ما
يتكلمش إلا بحساب .. كان لما يسمعنا نحكى على
مغامراتنا العاطفية يضحك ويقول عواطف إيه اللى
بتكلموا عنها .. وخليتوا إيه للشعراء .. رجال
القانون لازم يبقوا أهل منطق وعقل مش أهل
عواطف ، لكن فى النهاية رضى اتجوزك .. فى
النهاية حب زى كل الناس .

[فى ألم] : حب : [ننظر إلى توفيق فى حيرة]
تفكر رضى بيحبنى .. رضى لما اتجوزنى كنت
بالنسبة له زيك تمام .. مجرد زميل .
لا يا كوثر .

رضى اتجوزنى لأن الجواز عادة حميدة بيأمر بها
العقل والمنطق .. اتجوزنى لأن كل رجل محترم فى
مجتمعتنا بيتجوز .

توفيق

ده كلام روايات .. أنا مش عارف أنت عاوزه إيه ..
مرة بتشتكى من جوزك لأنه عصبى .. ومرة
بتشتكى منه لأنه بارد مافيش حاجة بتحركه .. أنا
مش فاهم .

كوثر

[تمسح دموعها فى كبرياء] : أنت مش فاهم
أى حاجة .. أنت زى كل الرجالة بتنظر للست على
أنها حنة موبيليا .. وتنكر عليها حقها أنها تتكلم ..
تتألم .. تشتكى .. [موسيقى] لو كنت عشت سنة
« وحيد » زى كنت عرفت إيه معنى أنك تبقى عايز
تتكلم .. ونفسك تلاقى حد تكلمه .. ومش لاقى حد
تكلمه .

توفيق

[مقبلا عليها فى إشفاق ممسكاً بيدها فى رفق] :
كوثر .. أنا ناقصدتش أجرحك .

كوثر

[تتبسم من خلال دموعها] : واحنا صغيرين لما
كنا بنلعب فى الجنية كل الأحبة اتنين اتنين ..
كنت ساعات متلاقيش حد يلعب معاك .. وكنت
تقعد تعيط تحت تكعية العنب .. فاك ؟

توفيق

[مبتسماً] : أيوه فاك .

كوثر

[سرحانة من خلال دموعها] : وفاكر شعورك
وأنت قاعد لوحك .. وكل ولد معاه بنت تلعب معاه .

توفيق

كوثر

: كنت باحس إنى زى اليتيم .
: أنا عشت شبابى يتيمة .. زيك وأنت قاعد تعيط
تحت التكعية .. كنت باقضى الليل سهرانة لوحدى
فى أودتى وهو سهران مع الدوسيهات والقضايا ..
عمره ما فكر أنه يبص لى حتى على أنى قضية
مركونة منسية .. أى مجرم قتال قُتلى كان بيثير
اهتمامه أكثر منى .. كان بيعيش بيفكر فيه ليالى ..
كنت يسال نفسى دايماً : إيه سر الجفاف الشديد
فى طبيعه ؟ إيه السر ؟! أنت صاحبه ياتوفيق .. أنت
لازم تعرف عنه أكثر منى .

توفيق

كوثر

: أنا فى الحقيقة عمرى ما قدرت أفهمه .
: أنت اللى بتقول الكلام ده .. أنت اللى عاشرتة أكثر
من « أخوه » وفتحت له قلبك وفتح لك قلبه .

توفيق

كوثر

توفيق

: رحمى عمره ما فتح قلبه لحد .
: وده يبقى إنسان طبيعى ؟
: مش عارف أقول لك إيه [مترددأ .. يفكر] مش
عارف .. يمكن يكون عيان .

كوثر

: أنا برده ساعات باقول إنه عيان .. لكن عيان بإيه ؟
: ممكن الإنسان يبقى مصاب بعاة فى الشعور ؟
: يبقى عاجز عن الحب زى الأعمى العاجز عن

كوثر : وأنا يا توفيق .. حاولت تحس بى مرة .. حاولت
تعرف قد ايه أنا باتعذب .
كوثر :
كوثر : وأنا ايديا ممدوده بالحب والحنان والرحمة ومفيش
ايد بتمتد لى .. وأنا بادق على باب مقفول .. ويكلم
واحد مش بيسمع .
توفيق : رحمى بيسمع .. رحمى بيسمع .
كوثر : بيسمع ويبشوف .. ويحس .. آمال ليه مابيقدرش
يحس بيه ؟
توفيق : بيتهيا لى كل واحد فيكم بيتكلم لغة مختلفة عن
الثانى .
كوثر : نفسى تعرف لغته عشان تفهمها لى .
[صوت رحمى يرتفع عالياً خشناً من خارج
المسرح]
رحمى : أنا قلت مش عاوز ورد .. مش عاوز ورد .. ريحة
الورد بتخنفنى .. بتخنفنى .
[كوثر تفيق على صوت زوجها .. وتبذل
سحتها ويبدو عليها الغم]
كوثر : رحمى جه [وما تلبث أن تخرج مسرعة] .
رحمى : فى كل حته ورد .. ورد .. أنا بتخفق .

البصر .. يبقى مولود من غير قلب .
توفيق : لا .. أنا قصدى عيان .. عيان .. أنا شفته النهاردة
داخل عيادة دكتور .
كوثر : هو طول عمره بيجرى ورا الدكاترة .. والنهاردة
صبح يسأل على دكتور عشان يعالج صباعه .. هو
عايش فى الخوف .. خايف من المرض وهو عمره
ما رقد بمرض .
و خايف من الفقر وهو عمره ما شاف الفقر ..
ساعات بيتهيا لى أنه اتجوزنى من خوفه .. من
خوفه ليُموت وحيد .
توفيق : كوثر ، ما تظلميش رحمى للدرجة دى .. رحمى
بيتعذب .
كوثر : بيتعذب ؟! أنت بتقول بيتعذب ؟!
توفيق : لو كان زى ما بتقول من غير قلب كان ارتاح ..
الى ييفقد الشعور والقلب بيرتاح .
كوثر : مش قادرة أفهم .
توفيق : أنا باحس دائماً أنه بيتعذب .. لكن مش قادر
أوصل للسبب .. كل ما أقرب له أحس أنه يبيتعد
عنى وببخش جوه نفسه .. وكل يوم ببخش جوا
نفسه أكثر .

[صوت من الخارج .. يدخل رحى يده
مربوطة برباط شاش]

رحى : أهلاً توفيق .. أنا أتأخرت عليك .. معلىش . أصل
عديت على الدكتور .

توفيق : إيه ؟ مال إيدك .. إيه اللي جرحها ؟
رحى : لو حكيت لك مش حاتصدق .. وحاتقول على
مجنون

توفيق : [ضاحكاً] : أمى دى اللي عمرى ما حقولها أبدا
رحى : لكن هى دى الحقيقة [يتهاك متعباً مكدوداً ثم
يقوم ويذهب ويجيء فى قلق ثم يتلفت حوله
قائلاً فى رجفة]

رحى : الهوا ده جاي منين .. فيه تيار هوا .. يا ساتر ..
أنا بردان !

توفيق : بردان منين بس .. ده احنا فى عز الحر
والشبابيك مقفلة .. مفيش نسمة هوا .

[رحى يتلفت حوله ليتأكد من أن الشبابيك
مقفلة فعلاً ثم يغمغم]

رحى : كده .. طيب .. أنا حبيت أتأكد بس .. أصل أنت
عارف الروماترم لما بيتمكن من المفاصل .. يلا
السلامة .

[تدخل كوثر حاملة صينية عليها شاي
وساندوتشات يتطلع إليها رحى مرتاباً]

رحى : اوعى تكونى حطيتى لى سكر [يخرج علبة من
جيبه] هاتى وأنا أحط بنفسى

[يأخذ فنجاناً ويضع فيه فتوتة سكرين]
إيه اللي بتحطه ؟

سكرين : احنا دلوقتى فى السن المرححة
والإسراف فى النشويات يجيب لنا السكر والوقاية
خير من العلاج .

رحى : أعوذ بالله .. والله يا أخى أنا عندي أعيا بالسكر ولا
أنى أعيش طول عمري أخذ وقاية منه .. حطى لى

يا أختى ثلاث حبت .. حطى .. روماتيزم إيه وسكر
إيه .. أنت بخير والحمد لله وصحتك كويسة إيه

لازمة الخوف .. دى العيشة فى الخوف كده الموت
أرحم منها

الموت .. [ينظر إليه نظرة غريبة] وهو فين الموت ؟
الى أنت فيه هو الموت .

[تسحب كرسيًا وتجلس] وأشنع من الموت .
الموت على الأقل راحة وإنما العيشة فى العذاب كده

جحيم .

رحى

رحى

رحى

رحى

رحى

رحى

رحى

رحمى [مازال ينظر نظرات غريبة] : جحيم فعلا .
هى جحيم .. مين يعرف ؟ يمكن أنا عملت حاجة
أستحق عليها الجحيم .
توفيق إيه التخريف ده ؟
رحمى أمال يعنى الناس بيتخطوا فى الجحيم من غير
سبب ؟
توفيق الناس هما الللى بيخطوا أنفسهم فى الجحيم بسوء
تصرفهم .. وأنت حكمت على نفسك بالجحيم
بوسوستك وخوفك ورعك من كل حاجة .
رحمى [يصفق] : مرافعة عظيمة يا أستاذ توفيق
رائع .. براءة .. إفراج يخرج رحمى من الجحيم
يفرج عنه حالا [بيتسم وينظر إليها نظرات
غريبة] ياريت الدنيا سهلة كده زى ما هيه سهلة
فى المحاكم .. ياريت الأقى المحامى الللى يطلعنى
براءة ويفرج عنى [ينظر إليه متوسلا] عندكش
محامى كويس ياخذ الللى ياخذه بس يتراجع عنى
بذمة ويطلعنى من الغلب الللى أنا فيه
توفيق [ضاحكاً] : حطاط تروح فىن يا رحمى .
رحمى [فى ياس] : فعلاً .. حاطط أروح فىن ؟ حروح
من نفسى فىن . واطلع منها ازاي .. اشرب

يا توفيق [يناوله فنجانه .. يتلفت حوله فى
حيرة] ساعات بيتها لى أن كل ده مش حقيقى .
أنا وأنت وكباية الشاى وطعم السكر وابتسامة
كوثر ومرارة العلقم الللى جوه قلوبنا والضحك
والدموع كل ده مش حقيقى . حاجة زى حفلة
تنكرية بروفة ورا الكواليس خيالات بعد كاسين
وسكى .. كباوس بعد أكلة ثقيلة .. تصاوير زى
الللى بنشوفها فى كتب الاطفال [يسرح لحظة]
ساعات يفكر .

[يصمت طويلا فى حيرة ولا يتم جملته]
[فى فضول] : بتفكر فى إيه ؟
: [بإشاحة من يده] : لا مفيش فايدة لا
حتفهمنى ولا حافهمك
[يستحثه] : أبداً .. تاكد أنى حافهمك
هو خير غريب .. يمكن ما تصدقش .. أنت فاكتر
اشرقاوى
[محاولاً أن يتذكر] : القضية الللى حكمت فيها
بالإعدام على فضل الشرقاوى .. أيوه فاكرها .
[يلقي بقنبلته] : فضل الشرقاوى لسه عايش
[يقفز من كرسيه] : فضل الشرقاوى الللى

اتشئق من كام سنة .. عايش ؟! أنت بتقول إيه ؟

رحمى باقول إنه عايش

توفيق قصدك عايش فى خيالك ؟! أو فى

رحمى عايش فى الدنيا .

توفيق إيه الكلام ده .. أنت حاتجننى ؟

رحمى أنا باقولك على الحقيقة .

توفيق وقلت للدكتور على الكلام ده .

رحمى لا طبعا ..

توفيق [ينظر إليه فى إشفاق] رحمى .. أنت لازم

تأخذ اجازة من الشغل وتستريح .. أنا عارف أن

فضية السفاح بشندى طولت وتعبتك .. وتعبتنا

أحنا كمان . والمرافعات مش حاتخلص والملف اللى

كان صفحتين بقى ألف صفحة . وأنت بترهق

نفسك

رحمى أنت عايز تقول إن عندى « انهيار عصبى » ؟

توفيق [فى ياس] : على كيفك أنت حر .. أنا مش

معقول حانصحك وأنت أكرر منى وأدرى بنفسك

رحمى مش قولتلك مش حاتقهمنى .. [يشيح بيده]

عالمعوم ماتزعلش .. اعتبر الكلام اللى قلته نكتة .

توفيق نكتة .. [ينظر إليه فى دهشة]

أنتك مرة من نفسى يا أخى .. طول عمري

مانكتش ولا نكتة ..

[ما زال ينظر إليه فى عجب] لكن دى بقى

نكتة غريبة قوى .

يعنى مش ساعات بتشوف نفسك فى الحلم جرادة

.. وتبقى مندهش جدا إزاي أنت حرادة بتاكل

ورق شجر .. تبقى زعلان ومش مصدق

والآخر بصحى .. بلاقى نفسى إنسان مش حرادة

زى ما أنت شايف .

[ضاحكاً] : وإيش عرفك إنك إنسان دلوقت

مش جايز أنت جرادة بتحلم أنها إنسان وأنت

حاتصحى كمان شوية تلاقى نفسك جرادة

[يشد شعره] : لا أنت النهاردة حاتجننى . إيه

رأبك فى الكلام ده يا كوتر ؟

أنا مش فاهمة حاجة

أحسن .

رحمى ..

أمال لو حكيت لكو على الحكاية الثانية اللى

حصلت لى حاتعملوا إيه ؟

وثر وتوفيق . حكاية إيه كمان ؟

رحمى
توفيق : أيوه صحيح أنت ما حكيت لناش على الجرح اللي
فى إيدك .

رحمى : لوقت لكو برضه مش حاتصدقوا .
توفيق : يا سيدى حانصدق .. بس قول لنا .
كوثر : أطلع بزهره عشان تتكلموا على راحتكم .
رحمى : ليه بقى .. هو أنا تعورت فى كباريه ؟
توفيق : أمال إيه يا أخى حيرتنا !!

رحمى : [يقوم من كرسيه ليذرع الغرفة فى شروء]
أبدأ .. ولا حاجة .. أصل اتعورت فى الحلم
فى الحلم ؟

رحمى : أيوه فى الحلم .. واحد ضربنى بسكينة فى الحلم .
صحيت لقيت إيدى مقطوعة والدم بارل منها
[كوثر تنظر إلى توفيق نظرات ذات معنى]

توفيق : رحمى أنت حاترجع للكت تانى
رحمى : مش قلت لكو أنكو مش حاتصدقوا
توفيق : رحمى .. أنت لازم تحكى لنا بالضبط إيه الحكاية
أنت مش طبيعى اليومين دول ولازم فيه حاجة
مخبياها علينا .. ولازم نقول لنا عليها .
[رحمى ينظر إليهما .. يبدو عليه الارتباك ولا يتكلم]

رحمى :
[فى ارتباك] : أصل ما قيش فايدة .. ما قيش حد
فيها حافهم التانى .

ما هو مش معقول كمان تضحك علينا بالكلام
الفارغ بتاع الأحلام ده . ده كلام ما يخشش عقل .
عقل ؟ عقل مين ؟

العقل المنطقي الحصيف اللي بيصوغ العدالة
ويورينا الحقيقة فى المحكمة كل يوم .

[ساخرأ] : حقيقة إيه .. وعدالة إيه .. احنا
حافنى على بعض .. هو فيه حاجة فى الدنيا دى
اسمها عدالة .. ولا حقيقة ؟

رحمى :
بذمتك فيه فى الدنيا عدالة ؟! القاتل الذكى اللي
بيقتل عينى عينك فى حروب النهب والعدوان حد
بيقول له تلت التلاتة كام .. مش بياخذ نشان
وترقية على جريمته .. ويقولوا عنه البطل اللي
دافع عن الديمقراطية والحرية وحرر الشعب من
نير العبودية إلخ .. إلخ .. ما هو كل واحد حايلاقى
له شعار وكلام يقوله ، ومدام معاه أوامر وورقة
ممنوعة حايقدر يعمل أى حاجة .. يقتل يسرق

ينهب يسجن .. يعنى السفاح بشندى اللى احنا
سجنه بأوراق وأحكام وحيثيات يعنى أنت متأكد
أنه مجرم . ولما أنت متأكد أنه مجرم صحيح
كنت بتدافع عنه ليه وتطلب له براءة .

توفيق

عشان يبقى عنده فرصة يقول كل حاجة .
عمره ما كان عنده فرصة يقول أى حاجة أنت
اللى كنت بتتكلم طول الوقت وهو مسلسل فى
القفص .

رحمى

[يسكت مأخوذاً : لحظة صمت ثم يقول بارتياح]
وحا أنظر قضية بشندى .. بالطريقة دى من يوم
ورايح

توفيق

: ومين قال لك إننى حانظر قضايا .. أنا خلاص
طلبت إحالتي على المعاش وتسوية مرتبى
[توفيق وكوثر يصيحان فى وقت واحد]

رحمى

: رحمى !
: رحمى أنت بقول إيه ؟
: أنا تعبت .. انفاعل اللى ببشيل الطوب على دماغه
بيحولوا ساعة بينهد وينام وأنا اتهديت .. عقلى
اتهتد .. أنا مش فاهم حاجة .

توفيق

: [فى حيرة] : مش معقول .. مش قادر أصدق أن

توفيق

اللى بيقتول الكلام ده هو اللى حكم بالإعدام
والأحكام القصوى بالسجن والأشغال الشاقة على
المئات . هو .. المستشار رحمى اللى بيرعب أعتى
المجرمين

سى

كان زمان .. دلوقتى المستشار الرهيب أقل شيء
يرعبه . ضله على الحيط يرعبه .. دقات قلبه
ترعبه .. كلمة الحق ترعبه
كلمة الحق ؟

سى

معيش شيء يخوف قد كلمة الحق .. يمكن لو
فكرت فى كلمة الحق دلوقتى تموت نفسك .. يمكن
تتحرر .

سى

أنا طول عمري بأفكر فى كلمة الحق .. ده عملى
حرفتى .
الحق مش ممكن الواحد يحترفه .. ده له اسم تانى
اللى أنت بتحترفه .. اسمه الباطل
لا .. ده أنت فعلا .. تعبان أوى .

سى

سى

سى

سى

الحق زى الشمس الواحد ما يقدرش يبص فيه
ولو بص فيه بيعمى .. هتلا الجبار لما بص لوجهه
الحقيقى فى اللحظة الأخيرة ضرب نفسه
بالرصاص .. ماقدرش يبص مرة تانية .. مقدرش
يواجه الحقيقة

[تنظر في ساعتها] .. رحى .. أنت سهرت

النهاردة أكثر من اللازم وضرورى تستريح

صحيح كفاية سهر النهاردة عشان أنت تعبان

[يقوم متهيئا للخروج] وأنا ماشى بقى .

إيه مستعجل ليه ؟ رايح فين ؟

معلش عشان تستريح شوية . حافوت عليك

بكرة .. أول ما أخلص من الشغل

[رحى ينظر إليه فى شروء .. توفيق يخرج

وهو محزون مهوم مبلبل الذهن .. ويودعه

الاثنان حتى الباب .. رحى مازال ينظر أمامه

فى شروء .. كوثر تنظر إليه فى خوف .. رحى

يتمشى فى الغرفة وهو سارح]

[مازالت تنظر إليه بخوف] : أجيب لك كجاية

لبن دافى .. أنت ما اتعشتش .

طبيب

[تخرج كوثر ويجلس رحى على المكتب ويفتح

دوسيهها به مئات الصفحات ويضئ لمبة المكتب ..

ويطفيئ النور الكبير ،، وينهمك فى القراءة .. ثم

تدخل كوثر ويبيدها كوب اللبن الدافىء]

أنت حاترجع تانى للدوسيهات دى .. مش قلنا

وأنت شفت الحقيقة

أنا إنسان كليل البصر .. أنا شخت .. عجزت .. أنا

دلوقتي فى المفى

أنت اللى بتعنى نفسك بنفسك

[يرفع بصره وينظر إلى توفيق وكوثر ولا

يجيب .. لحظة صمت] : حا أقول لك إيه عمرك

ما حتقدر تفهمنى

أنت تعبان يا رحى .. أنت لازم تاخذ أجازة زى

ما بيقول توفيق .. بلاش المعاش وخذ أحازة .

العقل له حدود احتمال وأنت تعبت نفسك كثير

[بضحك ضحكة خافتة] قصدك بى اتحسنت

. حايير مير يعرف أنا عايرب أنا كمان

شايف اب اتحسنت وشايف الدنيا كلها جنان فى

جنان

يا رحى اسمع الكلام .. أنت لازم تستريح .. أنا

حا أكملك واحد دكتور صاحبى كويس فى

الأعصاب .

أشكرك .. عارفه . رحت له

رحت له ؟

لقيته مجنون زى وزيك .

توفيق

رحى

توفيق

رحى

كوثر

رحى

توفيق

رحى

توفيق

رحى

حاتستريح النهاردة ؟

التعب هو دوايا .. هو المسكن اللى باخده كل يوم

عشان أنسى

تنسى ؟ تنسى إيه ؟

أنسى نفسى .. لما باستريح كل حواسى بتصحى ..

وأشوف كل شىء بوضوح مؤلم رهيب .

يارحمى أنت حاتموت نفسك بالأفكار دى .

هو فين الموت ؟ الواحد يلاقيه فين ؟ ياريت الواحد

يقدر يموت زى ما بيطفى لمبة المكتب كده .

[يضغط على زر لمبة المكتب فتتنطفئ ويسود

الظلام تماما فى الغرفة .. تصرخ كوثر مذعورة]

شوفى الضلمة جميلة إزاي .. أهو الموت جميل كده

رحمى .. عملت كده ليه .. طفيت النور ليه ؟

[فى الظلام] : إيه مالك خايفة كده ؟ هى دى

أول مرة تقعد لوحدها فى الضلمة .. أنت نسيتي

إناحنا متجوزين بقالنا عشرين سنة وكل ليلة بننام

لوحدها فى الضلمة .

أنا مش خايفة من الضلمة .. أنا خايفة منك .

خايفة منى ؟ فيه واحدة تخاف من جوزها اللى

معاشره وعارها ؟

رحمى

كوثر

رحمى

كوثر

رحمى

كوثر

رحمى

كوثر

رحمى

إننا عمرنا ما عرفنا بعض يا رحمى

صحيح صدقت فى الكلمة دى . إننا ساكنين

مع بعض بس

[تصرخ] : ولع النور يا رحمى أرجوك

وليه لازمته ؟

[صوت خطوات]

[فى رعب] رحمى !

شوفى الضلمة جميلة إزاي .. مافيهاش ولا كذبة

واحدة .. لو كان الواحد يقدر يمسح حياته زى ما

ييمسح الاضواء الكدابة دى كانت بقت حاجة

جميلة لو كنت أقدر أمسح صورته من قلبك .

هو مين ؟

اللى بتحبيه .

[صوت خطواته وهو مقبل عليها فى الظلام]

[تصرخ] رحمى ..

[يشعل رحمى النور الكبير .. ويكون فى تلك

اللحظة واقفاً بجوار الباب] .

رحمى .. أرجوك . أنا عملت إيه عشان تعذبني

العذاب ده كله وتعذب نفسك معايا .. لإمتي

حاتستمر فى الجنون ده [تبكى]

رحمى

لعاية ما نموت .

كوثر

أنت عاوز منى إيه .. بتعمل فيه كده ليه . أنت
بتعاقبنى .. أنا عملت فيك حاجة ١٩

رحمى

حياتنا كلها كذب فى كذب .. فيه جريمة أكبر من
كده .. خيانتك لى كل يوم .

كوثر

[تصرخ] : أنت مجنون .. خنتك إمتى . ومع
مين .. أنت ستعلم !

رحمى

وأنت بتعلمى كمان .. حلم اليقطة الطويل الجميل
بين أحضاناه .

كوثر

أنت مجنون .. أنا مش ممكن أقعد معاك لحظة
واحدة .. أنا طهقت خليك .. اتجنن لوحداك .. أنا
سايالك الدنيا .

[تهرول خارجة وتصفق الباب وهو واقف فى
مكانه لا يتحرك .. وينظر إلى الفراغ فى
شروء .. يمشى ببطاء ثم يتهالك على المكتب ..
يطفىء النور الكبير ويضىء لمبة مكتب صغيرة
نورها خافت مظلل الغرفة فى إضاءة خافتة ..
يضع رأسه بين كتفيه] .

الحاجب

رحمى

[موسيقى تأثيرية تزداد شدة وعنفًا لحظة بعد
أخرى تنمشق أرض غرفة المكتب لتخرج منها

هيئة محكمة كاملة من ثلاثة قضاة على
منصة .. وممثل اتهام .. ومحام وحاجب ..
وقفص اتهام .. وقفص الاتهام ليس به أحد ..
ونلاحظ أن كوثر هى التى تلبس ثوب ممثل
الاتهام .. وإن توفيق هو المحامى .. كما نلاحظ
أن القضاة الثلاثة والحاجب يلبسون ملابس
المساجين وفى أيديهم وأرجلهم سلاسل ، وعلى
رأس كل واحد لبدة ونمرة نحاس والقضاة
يلبسون وشاح القضاء الأخضر ذا النجوم فوق
هذا الزى .. إضاءة شديدة على المنصة والقفص
وعلى ممثل الاتهام والمحامى .. طول الوقت
رحمى يخفى رأسه بين كتفيه .. ولا يبدى حركة
تدل على أنه يفتن إلى ما يجرى .. الموسيقى
تزداد عنقا ثم تسكت فجأة ليعلو عليها صوت
الحاجب منادياً المتهم] .

[ينادى] : رحمى محمد سعودى .. [يعود
فيكرر الاسم بصوت مرتفع كالصاروخ] المتهم
رحمى محمد سعودى .

[يجاوب وهو مازال يخفى رأسه بين كتفيه]
أيوه أنا هـ .

[يرفع رأسه .. ولا يبدي اندهاشاً .. وكأنه يعرف ما يجرى .. وكأنها ليست أول محكمة يحضرها .. ويقوم متهاكاً ويدخل قفص الاتهام .. صوت غلوشة وهمهمة]

[يدق المنصة بالشاكوش الخشبي] سكوت من فصلكم

[ممثل الاتهام يقف ملوحاً بيده]

[قى زى ممثل الاتهام] . هذا المتهم يا حضرات المستشارين .. هذا الرجل الذى يقف أمامكم فى استكانة وذلة وكأنه ملاك برىء هو مجرم أثيم مخضب اليدين بالدم ، قاتل سفاح قتل عمداً مع سبق الإصرار والترصد أعضاء هذه الهيئة الموقرة .. ففى صبيحة الأحد ١٥ مارس سنة ١٩٤٧ أصدر حكماً بالإعدام شنقاً على سيادة فضل الشرقاوى الذى يتصدر هذه المنصة .. وفى صبيحة

الثلاثاء ٢٠ أكتوبر سنة ١٩٤٨ أصدر حكماً بالإعدام على محمد قناوى ومحمود قناوى وسالم قناوى وسليم قناوى ..

[يشاور بيده على الضحايا واحداً واحداً حيث

القاضى

كوثر

يحتلون مقاعدهم من المحكمة] .

هذا عدا أحد عشر حكماً آخر بالإعدام تأجل النظر فيها لحين حضور المحكوم عليهم .. ستة عشر روحاً من البشر أزحقها هذا الرجل شنقاً دون أن يختلج له جفن .. كل روح لم تكن تعنى عنده أكثر من توقيع على دفتر .. وفعل ما هو أبشع من هذا كله .. وأبشع مما يفعله أى قاتل محترف .. كان يزهرق أرواح ضحاياها وهو مزهو فخور معتد وكأنه يقدم خدمة إنسانية .. فعل هذا بكامل قواه العقلية وبكامل وعيه ..

اعتراض من فضلك .. المتهم ينكر بشدة أنه كان بكامل قواه العقلية ، ويقرر أنه كان واقعاً تحت تأثير ..

[مقاطعاً] : دى حجة قديمة .

: واقع تحت تأثير إيه .. الحشيش .. والا الكوكايين .. واقع تحت تأثير أشد من الحشيش والكوكايين والمخدرات كلها .. واقع تحت تأثير القانون الجارى.

تحت تأثير العرف الاجتماعى .. وروح العصر .

إيه القانون الجارى .. والعرف الاجتماعى .. وروح العصر .

الحامى

ناصر الشرفاوى

ناصر اليمين

الحامى

رقاوى .

كوثر دى كلمات مالهاش راس من ديل .. ثم القانون ده مش شىء جامد .. ليه ماطالبش بتطوير القانون إذا كان مش مقتنع بيه ؟

القاضى أنا عاوز أسأل المتهم دلوقت بعد إذن الدفاع .. هل كان مقتنعاً بالقانون اللى بينفذه والا لا ؟

كوثر [فى زى ممثل الاتهام] : المتهم يجيب .

[رحى ينظر فى ارتباك]

القاضى [بعد السؤال] : هل أنت مقتنع بالقانون اللى بتطبقه والا لا ؟ قول .. قول .. انطق

رحمى [فى ارتباك] : معرفش . [ضحك]

كوثر [فى زى ممثل الاتهام يصرخ] : المتهم مش عارف حاجة دلوقت ومع ذلك ساعة ما كان هنا على هذه المنصة .. كان يعرف جيداً .. كان يعرف لدرجة اليقين والزهو والاعتداد والثقة .. كان يعرف لدرجة لا تقبل استثناء أو مراجعة .. كان يشق متهماً بعد الآخر وكأنه يلهو بسلسلة مفاتيحه .

القاضى [يعود إلى سؤال المتهم] : وإذا كنت مش عارف على حد قولك إزاي كنت بتوضع حيثيات أحكامك .

رحمى [فى ارتباك] : أنا كنت باوضع حيثيات لأن

المتبع إن كل حكم كانت تسبقه حيثيات .. العرف كان كده .

وفين دورك «كقاضى» . إذا كان كل عملك هو مجارة العرف بدون عقل .. وبدون إدراك ؟

معرفش .

هل أنت مدرك أن التتصل من أفعالك لن يحدك .

معرفش .

[يقاطع] : بعد إذن القاضى .. أرجو لفت النظر إلى أن موكلى فى حالة عقلية غير طبيعية

[ممثل الاتهام يصرخ] : أرجو لفت نظر الدفاع إلى أن المتهم يتستر وراء ادعاء بعدم الكفاية العقلية .. على المحكمة ألا تسمح بهذا التلاعب .. إن هذا التلاعب معناه تلاعب بالعدالة .. وسخرية بهيئة المحكمة الموقرة التى تمثل هذه العدالة

[يدق على المنصة يشاكوش خشب] : الكلام فى مسألة الكفاية العقلية حايرجنا من الموضوع فضلاً عن أن البت فى هذه المسألة من اختصاص الطبيب الشرعى فنرجو حصر استجوابنا اليوم فى الوقائع .. خلىنا فى الوقائع من فضلكم .

[رحى يرفع أصبعه طالباً الكلام]

رحمى

[فى ارتباك] : أنا عاوز أقول ..

القاضى

اتفضل .. عاوز تقول إيه ؟

رحمى

أنا وقت إصدارى أحكام الإعدام كنت أعتمد أن

أحكام الإعدام حاتوضع حد لحياة أصحابها

فتريحهم وتريحنا

قاصى يعين

وأنت كنت عايز تخلص منهم ليه .. كانوا تابعينك

فى إيه ؟

[ضحك]

رحمى

أنا ماكنتش عايز أتخلص منهم .. أنا ماليش

مصلحة المجتمع هو صاحب المصلحة .

القاضى

إزاي بقى فهمنى ؟

رحمى

المجتمع هو صاحب المصلحة .. حاتبقى فيه عدالة

وكل واحد حاشعر بالاطمئنان لأن كل مجرم

يقتص منه

[ضحك الجميع]

القاضى

يعنى الحكاية حكاية انتقام وأنت ممثل الانتقام فى

المجتمع .. عضك الكلب تحرى وراه وتعضه .

تبقى كلب زيه [ضحك] هل تعلم أن العدالة

حينما تنزل إلى مستوى المجرم وتتبنى أساليبه

تنحط بنفسها وتفقد معناها الرفيع وتصبح

محرمة مثله سواء بسواء

العرف الاجتماعى كان كده . وأنا مش عايش

لوحدى .. أنا عايش فى رأى عام .

: لكن أنت طليعة هذا الرأى العام ويوم ما حاتمشى

الطلائع فى المؤخرة يبقى على الدنيا السلام

العدالة نسبية دائماً ومرتبطة بعصرها .

بتقول العدالة نسبية .. طيب ليه تقطع قطع مطلق

فى مصير إنسان وتعدمه « إعدام نهائى » ؟

حا اعمل إيه ؟

: حطه فى الطور .. استفيد بيه يقطع حجارة .

والرأى العام ..

الرأى العام حايمشى وراك .. وأنت القدوة .. مين

يحط الذوق القانونى للناس ؟

.. مين ؟

[فى ارتباك] .. مين ؟

رجل القانون الذى عنده ضمير .

[يلتفت حوله باحثاً] : فين هو ده .. أنا عمرى

ما شفته ..

[ضجة وهمهمة فى القاعة]

[ممثل الاتهام] تلفت نظر المحكمة إلى أن جريمة

المتهم أكبر من مجرد سوء فهم لنصوص القانون .
ذلك الرجل كان يصدر أحكامه بدافع من الكراهية
والحق لا يدافع من الحرص على العدالة .. إن هذا
الرجل الخسيس يكره الإنسان في أعماق ضميره .
أنا لا أفهم معنى لترديد هذه التهم الجرافية أمثال
هذا الرجل يكره الإنسان .. هذا الرجل عدو
العدالة .. يعنى إيه .. دى كلمات مطاطة وتهم
مائعة .. ممكن تقال لكل واحد .. أنا عايز وقائع ..
وقائع .

الحامى

[ممثل الاتهام يتجه إلى المتهم بقسوة] : أنا
أطلب من المتهم الاعتراف بصراحة بحقيقة
الكراهية التى تسود بيته .. بحقيقة العداء والحق
الذى يخيم على حياته ..

كوثر

[فى ذعر] : دى مشاعر خاصة .. وليس من
حق المحكمة أن تنتهك المشاعر الخاصة لأى إنسان .
الكلام ده تقوله فى محاكمكم .. المحكمة دى شأنها
الأول واختصاصها .. وقائع الشعور .. وقائع
الضمير .. إحنا هنا بنفتش عن الحقيقة جوا القلب .
ماتهمناش الأحراز اللى يظبطها البوليس فى
دولاب المتهم .. احنا هنا غايتنا التفتيش جوه

رحمى

القاضى

قلبك .. جوا ضميرك . جوا روحك .

[يشعر بشعور رجل مأمور بأن يخلع عريانا
.. يصرخ فى رعب .. وفى صوت باك] : مش
معقول .. دا ظلم .. حرام .. حرام .. ربنا ما
يرضاش بكده .. ربنا ما يرضاش بكده .

[ينهار داخل قفصه]

تستطيع أن توفر على نفسك مهانة التفتيش بأنك
تعترف .

مداوى

[ينهار فى قفصه يتلوى من الألم] : مش
معقول .. حرام .

معى

[ممثل الاتهام] : وهكذا ترون يا حضرات
المستشارين كيف يتلوى المتهم من العار والخزى
حينما يستشعر بأن الكراهية الزرقاء التى يطفح
بها قلبه توشك أن تتكشف .. إنه لا يجد الجرأة
لأن يراها بنفسه .. لا يستطيع أن يفتح عينيه على
بشاعة حقيقته

أبو

[بصوت باك] مش معقول .. حرام .. حرام .
مش معقول يطلب من إنسان أن يعرض نفسه
عريان بدون ملابس .. بدون جلد .. بدون لحم
حرام .

معى

ممثل الاتهام [بقسوة] . للمرة الأخيرة أطلب من المتهم الاعتراف بحقيقة الكراهية التي يخفيها بحقيقة الشك والغيرة والحسد والبغض والحقد

رحمى [يصرخ وهو يبكي] . حرام .. [يصرخ مستنجداً] أمى .. أمى .. أمى .

ممثل الاتهام [بقسوة] . وما هو قد عاد طفلاً ينادى على أمه .. رحمى [يصرخ وهو مازال يبكي ويتنفض] : أمى . أمى !

[ينفتح باب وتدخل أم رحمى الغرفة تتلفت باحثة عن ابنها من الواضح أنها لا ترى هذه المحاكمة ولا تلقى بالا إلى أحد من الموجودين فيها - وإنما تسرع إلى ابنها وتحضنه] .

رحمى : أمى .. أنت فسين يأمى .. [يشاور لها على المحكمة والمنصة والقضاة والمحامي والحاجب .. ولكنها تتبع إصبعه ولا ترى شيئاً]

أم رحمى : إيه يا ابنى .. فيه إيه . بتشاور على إيه ؟

رحمى : على الناس دول .. مش شايفاهم يا أمى ؟

أم رحمى : ناس مين يا بنى .. ما فيش حد غيرنا .. مالك يا حبيبى بسم الله الرحمن الرحيم .

[القضاة والمحامي والحاجب وممثل الاتهام

مازالوا يحملقون فى رحمى .. الضوء الشديد قد انتقل إلى وجه الأم والابن وباقي المحكمة فى ضوء خافت]

مش شايفة الناس دول ؟

أيداً يا حبيبى مفيش حد . أنت لازم بيتها لك [رحمى فى تلك اللحظة يكون جالساً على باب قفصه يتحسس القضبان .. ويحاول أن يتصور أنها قضبان وهمية فى قفص وهمى لا وجود له كل ما يحدث فيه حلم فى حلم .. وهو لا يستطيع أن يصارح أمه بحقيقة مشاعره .. ولكنه يتشبث بها .. ويتعلق بها كالطفل الرضيع]

[ممثل الاتهام يشير بإصبعه فى سخريّة] لقد عاد الرجل السفاح طفلاً يحبو على صدر أمه [رحمى يسد أذنيه حتى لا يسمع .. ويخفى رأسه فى كفه حتى لا يرى] .

وايه اللي مقعدك على الأرض كده يابنى ؟

[رحمى مازال يسد أذنيه حتى لا يسمع ولا يرى .. ويرفع رأسه أخيراً ويمسك بأمه هاتفاً] .

أمى .. ربنا موجود فى الدنيا يا أمى ؟

طبعاً يابنى ربنا موجود فى كل الوحد .. وهو

حسى

د

أرحم الراحمين .

رحمى
طبيب ليه مش بيرحمنى [يضع رأسه على
صدرها ويبكى] ليه مش بيرحمنى ؟

الفصل الثانى

[رخمى فى غرفة مكتبه يروح ويجىء فى
خطوات سريعة قلقة وهو يعصر رأسه بيده ..
توفيق واقف بالباب]

أنت حرى لك إيه يا رخمى .. أنت عملت إيه فى
مراتك ؟

[يرفع رأسه] : هى راحت لك ؟

[مقبلا عليه] : أنت جرى لعقلك إيه ؟

[فى نغمة ذات معنى] . هى راحت لك زى كل

مرة [يمسك به ويهزه] قالت لك إيه .. قل لى

قالت لك إيه [فى لهفة وقلق] وراحت لك ليه ؟

وليه كل مرة مأتلاقيش غيرك تروح له .. هى

متجوزاك والا متجوزانى ؟ أنا عارف اللى

بينكو .. أنا عارف ..

: أنت حاتخلينى أصدق اللى بيقولوه الناس .

حتخلينى أقولك إنك اتجننت

أنا متجسّش .. أنا عارف إنك بتحبها وإنها

بتحبك .. أنا عايش بتفرج عليكم طول السنين دى

« ستار »

ي .

مى .

عوى .

حسى .

فيق .

خمى .

توفيق

مش معقول .. مش قادر أصدق أن خيالك المجنون
يصور لك كل ده .. [يقترب منه فى إشفاق] .

رحمى

كنت عايز أهرب من الدنيا .. وأعيش فى منفى
« وحيد » ماشفش حد .. كنت عايز أنزل فى جب
تحت الأرض واستخبا .. [يهزه فى غل] كنت ..
عايز أقتلك .. وأقتلها .. وأقتل نفسى .. [يتركه
ويسرح لحظة] وبعدين بقيت أقول لنفسى ..
وأقتلها ليه ؟! وليه أحرك إيدى وأتحمس لأى

عمل ؟! وليه أغضب ؟! وليه أثور ومفيش حاجة
تستحق أن أغضب وأثور ؟! كل شىء بيحيله ساعة
وينتهى . كل شىء بيموت .. أنت حاتموت وحبك
حاي موت وهى حاتموت .. وأنا حاموت .. إيه الداعى
للعجلة .. السم فى الكاس اللى بنشريه كلنا .
دلوقت عرفت قد إيه كوتر اتعذبت معاك ؟

توفيق

رحمى

أنا اللى اتعذبت .. وأنتم اللى عذبتونى لانكم
عشتونى فى كذبة كذبة طويلة .. مالهش نهاية
.. أنا كنت عايش فى كذبة .. أنت معاك حق . كل
شىء اتهدم قدام عينيا .. كل شىء أصبح مشكوك
فيه .. [تأخذه نوبة جنون] كل الدوسيهات دى
كذب فى كذب [بيعثر الدوسيهات من على المكتب
ويعزقها واحدا بعد الآخر] كل الاحكام دى كذب

مفيش قانون .. مفيش عقل .. مفيش نظام .. مفيش
حرمة لأى شىء .. اللى بيقتل فيه قانون يعاقبه
لكن اللى بيحب ويقتل واللى بيحب وينتقم مفيش
مواد تطبق عليه .. اللى بيحب ويخرب ويضرب
قلوب ويهدم عقول وبيوت مفيش نصوص تعاقبه ..
الحب ؟ هو إيه عايز أفهم .. تقدر تفهمنى يعنى إيه
الحب ؟! إيه هو التكييف القانونى لكلمة الحب ؟

رحمى ..

أنا رجل قانون .. أنا مش شاعر . [يبدو فى
عينيه الجنون]

رحمى

[وهو يتذكر] يبقى كلامهم فى محله
هما مين ؟

هما اللى بيقولوا إن احنا لازم نكتب القانون من
جديد نكتبه كلمة كلمة من جديد .

هما مين اللى بيقولوا كده ؟

اللى بيعذبونى . اللى خطوا أيديا فى الحديد ..
المجرمين .

رحمى ..

لكن أنا برىء .. برىء أما ماليش ذنب .

أنت بتتشيل حاجات مالهش لزوم يارحمى .

وفيق

حمى

وفيق

حمى

توفيق

حمى

توفيق

حمى

توفيق

رحمى

توفيق

ما عيش أى حاجة بينى وبين مراتك أقسم لك ..
أقسم لك .

رحمى
توفيق

كذب .. كذب . كل شيء كذب
[يهزه] فوق لنفسك يارحمى .. أنت عايش فى
وهم .. أنت ظلمت نفسك وظلمتنا معاك
: أنا ما ظلمتش حد .. أنا متهم زى زيكو .. فى إيدى
الحديد أموه [يلوح بيديه كأنهما مغلولتان] .

رحمى

حديث إيه ؟
حاقولك إيه مش ممكن تقدر تفهم .. أنت معذور أنا
كنت زيك وأنا قاعد أحكم على المتهمين من فوق
مصصة القاضى .. عمرى ما قدرت أفهم لكن
دلوقتي وأنا فى القفص .. فهمت [يطرق إلى
الأرض مردفاً] فهمت ..

توفيق

فهمت إيه وقفص إيه ؟
: بعدين حاقولك .. بعد الجلسة .. لما ينطقوا بالحكم ..
حاقولك كل حاجة .

توفيق

جلسة إيه .. وحكم إيه .. [يشيح بيديه فى يأس
وقد آمن أخيراً أنه يواجه رجلاً مجنوناً] يبقى هى
كان عندها حق . كانت عايشه وحيدة طول عمرها
فعلاً [ينظر إلى رحمى ثم يتجه إلى باب
الخروج]

توفيق

رايح فين يا توفيق ؟

[فى يأس] حاستنى بره على ما تخلص الجلسة.
[يخرج] .

[تسمع خطواته وهى تباعد رويدا رويدا ..
رحمى يروح ويجيء فى غرفته .. ويبدأ
الحديث مع نفسه هامساً ثم يرتفع صوته
تدرجياً حتى يصيح صياحاً معولاً] .

[فى همس] : كانت عايشة طول عمرها وحيدة
جدا .. وأنا أنا .. [يتجه إلى الجدار] أنا اللي كنت
بخبط على الجدران محدش بيسمعنى [يخبط على
الجدار بكلتا يديه فى جنون مغفم فى صوت
معول] قلى اللي كان بيخبط فوق ضلوعى

محدش بيرد عليه .. حتى دموعى كانت بتتحرر ما
تسعفنيش .. حتى لسانى الآخرس مكانش بيلاقى
الكلام اللي يقوله .. أنا القاضى الانانى .. [يخبط
على الجدار] الحنان كان بيطلع منى قسوة
الحب كان بيطلع منى كراهية .. كنت زى الطفل
الى عنده عاهة فى الكلام .. مكنتش باعرف أتكلم
كنت وحيد وحدة الحنون .. كنت باصرخ .

[يخبط على الجدار وهو يصرخ . يجيء صوت
أمه متهدجاً حزناً من الخارج .. تدخل الأم من
اليمين]

رحمى
توفيق

رحمى

الأم مالك يا بنى .
رحمى : محدش كان بيسمعنى غير أمى
[أم رحمى تفتح وتدخل تحمل سجادة الصلاة تحت إبطها] .
الأم مالك يا بنى عايز إيه ؟ [تدخل عليه فى حنان وتحتضنه ويحيطها بذراعيه] .
الأم : مالك ؟
رحمى : عايزك تدعيلى يا أمى .. عايزك تدعى لابنك الغلطان .
الأم : ربنا يجعل لك فى كل خطوة سلامة يا بنى .. ربنا يقدم لك الطيب .. وبوقف لك ولاد الحلال .
رحمى : مايقاش فيه ولاد حلال يا أمى .
الأم : ولاد الحلال كتير يا بنى .. الخير لسه فى الدنيا .
رحمى : فين الخير سكتته منين ؟
الأم : سكتته سكة المؤمنين يا بنى .. ربنا بينور للمؤمنين طريقهم وقلب المؤمن دليله وكل المؤمنين على نور
رحمى : [فى ياس] - المؤمنين !!
[ترجع الأم بوجهها إلى الصلاة] .
الأم : أنا فى كل صلاة بادعيلك يا بنى .
[تذهب إلى ركن فى المسرح وتبسط سجادتها]
بادعى لك أن ربنا يفتح لك الباب . [تبدأ فى

رحمى

رحمى

رحمى

الصلاة فلا تسمع صلاتها ولكننا نرى متممة شفقتها وحركات يديها والأنوار الكاشفة تتجمع لتضىء جسمها وهى تصلى فى حين يغرق باقى المسرح فى الظلمة .. ونسمع صوت رحمى] .
وامتى حايفتح الباب
[تخفت الأنوار الكاشفة على الأم ثم تنطفئ فى حين تضىء بقعة على الأرض أمام رحمى حيث تنشق الأرض وتخرج كوثر فى ثياب نوم هفافة تكشف صدرها وذراعيها وعلى كتفها وشاح رقيق شفاف يطير كأنه جناحان .. ويتهدل شعرها المصفف فى أنيقة .. البدرية والأحمر والبروج والكحل فى تواليت كامل على وجهها المضىء الحلو .. تبدو شبيهة بتفاحة آدم]
[يشهق فى انفعال] : كوثر !!
[يتقدم رحمى محاولا الإمساك بكوثر ويلف حولها ويده على كتفها اليمنى بعد انتهاء الحركة تضحك كوثر - يتركها رحمى . لا تبدو كوثر أنها تسمعه .. وإنما هى تتطلع بعينيها إلى آفاق بعيدة وترفرف بذراعيها كأنها تطير] .
[فى انفعال أشد] : كوثر !! [يمد يده حتى يلمس وشاحها ثم يصرخ] كوثر ! [يحدث

نفسه في يأس [مش بتسمعننى [بنعمة باكية]
 مش بتسمعننى عينيهما سرحانين .. بتضحك [يئزل
 رحمى من أمام المكتب فترفع كوثر يدها إلى أعلى
 فيتقدم رحمى ويجذبها من يدها [بتضحك لمن ..
 بتفكر فى مين .. مادة إيديها الاتنين لمن .. مش
 لى .. دى مش شايفانى .. مادة إيديها لواحد تانى
 [تتقدم كوثر بحركة راقصة تحتضن شيئاً
 ما] .. له هو .. للسارق اللى سرقها منى [فى ألم
 وهو ينطق بالاسم [توفيق .
 [تهتف فى حنان [توفيق '

كوثر

[تستدير كوثر .. يتراجع رحمى فى زعر ..
 يتلفت حوله كأنه يتوقع أن يظهر توفيق ولكن
 لا أحد هناك سواء هو وكوثر] .

كوثر

[فى حنان أكثر وهى تمد يدها .. ويئزل رحمى إلى
 كوثر ويحتضنها ويلف بها] . توفيق .. حبيبى
 [تركع كوثر] أنا ماليش حد غيرك فى الدنيا أنا
 انتهيت .. أنا مابقليش ببت أعيش فيه . أنا عايشة
 مع راجل مسجون .. مجنون .. رحمى اتجنن يا
 توفيق .. كان حايقتلنى .. فقد عقله خلاص

رحمى

[فى استنكار] : مش ممكن .. مش ممكن [يتركها
 رحمى] دى جريمة .. حرام .. حرام .. ده غلط .

رحمى

و تر

رحمى

و تر

رحمى

: [تكلمه كأنه توفيق] الحياة كلها غلط فى غير .
 أنا بقالى عشرين سنة عايشة فى الغلط .. لو كنت
 بتحبنى مكنتش فكرت فى الصبح ولا فى الغلط
 ماكنتش حتى عرفت الصبح من الغلط [تقف كوثر
 وتحتضن رحمى وتلف به] أنت ماجربتش
 الحب واليأس يا توفيق .

[فى استنكار] .. لكن ده جنون '
 [ترجع بظهرها] : أرجوك سيبنى اتجنن . من
 حقى أنى اتجنن بعد كل اللى شففته [نقبل يد
 رحمى فى ذلة وكأنه توفيق] الجنون هو أملى
 الوحيد فى الحياة .

[فى ألم شنيع] لكن فيه واحد بيتعذب .. فيه
 واحد بيتعذب بينكم

[تتخطى المسرح] . مفيش حد بيتعذب غيرى
 هو استريح .. فقد عقله .. قطع صلته بكل العالم
 معدش دارى بحاجة .. أنا اللى عايشة باشوف
 موتى البطيء بعينيه .

كوثر ' [موسيقى]
 توفيق . حبيبى أنت آخر أمل لى [تنظر إلى
 رحمى بانفعال بالغ .. تلقى بنفسها بين ذراعيه ..
 تدفن رأسها فى صدره .. لحظة صمت .. تبكى

كالطفلة على صدره وتغمغم في حرارة [يا
حبيبى.. يا حبيبى [تصعد كوثر مع حركة يده
حتى تصبح في مواجهته وتنام على رجليه .
[موسيقى راقصة حاملة]
[ترفع رأسها من بين ذراعيه .. تتلفت حولها
وهي نشوانة .. وتنفلت منه في رقة .. تأخذ في
التجوال وحدها بين قطع الأثاث تتفحصها
حاملة .. يظهر من كلامها أنها تتخيل أنها في
بيت توفيق .. وتأمل قطع الأثاث فيه !]
طول عمرى كنت باتخيل البيت الذى أنت عايش فيه
والأوضة التى بتنام فيها [تضحك كوثر وتنفلت
منه حتى تصل أمام المكتب وتركع وتمسك بأحد
الكراسى [كل كرسى من دول كنت بانفضه كل
يوم فى خيالى [تلمس الأثاث [العفش ده أصبح
عفشى من كتر ما فكرت فيه .. أنت مالكش حاجة
هنا .. كل حاجة هنا بتاعى .. أنا الذى تعبت فيها .
[تذهب إلى الشماعة] الشماعة دى كنت دايماً
باحلم بيها وكنت أول ما أخش أدور عليها علشان
أعلق الشال بتاعى [تمد يدها فى آلية وتخلع
الشال الذى تلبسه وتعلقه على الشماعة ..
قميص النوم نصف العريان يكشف الآن مفاتن

كوثر

حمى

كوثر

حمى

كوثر

حمى

جسمها الناضج الأنثوى .. دائرة من الضوء
تلاحقها في كل تحركاتها وتضيء جسمها
المغرى .. تقف وسط الغرفة تتلفت كالطفلة [
بيتهيا لى أنا واقفة دلوقتى أن كل العمر الذى فات
ما كانش حقيقى [موسيقى] بيتهيا لى إنى كنت
نعسانة ويفتح عيني لأول مرة .. وأنى حقوم البس
فوطه المطبخ وأروح وأجهز لك الأكل .. مش
معقول أنا هنا من ربيع ساعة بس .. أنا هنا من يوم
ما اتولدت [تنظر إلى رضى فى شغف وتهمس
فى حرارة [توفيق . [تهرع إليه وتلقى بنفسها
على صدره]
[يصرخ وهو يبعدها فى دعر] : مش معقول ..
أنت مش شايقة .. أنت مش شايقة .
[تعود لتحضنه] . أنا مش شايقة أى أحد
غيرك يا حبيبى ..
[رضى يمسكها من عنقها]
أنت مجنونة .
[تحضنه كوثر وتلف به]
أنا مجنونة .. وعازبة أعيش مجنونة على طول ..
أرجوك بلاش تعقلنى .. أرجوك .
[يبعدها فى خشونة] : لكن ده فطيع [فى

صراخ [ينهار على أحد الكراسي النور
على كوثر بينما هو في الظلام] وأنا
ماليش وجود ؟! [يتحسس جسده] أنا !

[تتحسس في حنان] : توفيق

[يصرخ] : أنا مش توفيق .. أنا مش توفيق .. أنا
رحمى اللي بيكلّمك .. رحمى [يصرخ] رحمى ..

رحمى

توفيق ..

ده جنون .. جنون .. [ويهجم عليها]

[مازالت تهمس] ، توفيق .. توفيق .

[يكممها بيديه في خشونة ويكتم نفسها]

اسكتى .. اسكتى - أنا باكره صوتك .. باكرهك ..

باكرهك .. باكرهك .. وحاقتك .. وحاقتك ..

[يخف الضوء تدريجياً من على كوثر .. ونراها
تنزل في شق الأرض وتخطف في حين يلمع
الضوء على رحمى الذى يقف مشدوهاً يكمم
بيديه الهواء ويتمتم كالمصعوق وهو يتلقت
حوله وينادى]

كوثر .. كوثر [فى يأس وصوته باك تظهر الأم
من اليمين] كوثر .. أنت فين رحتي فين .. رحتي
فـين.. أنا .. أنا .. أنا قلت إيه .. أنا قلت إني

كوثر

رحمى

كوثر

رحمى

كوثر

رحمى

رحمى

رحمى

باكرهك .. دايماً ناقول إني باكرهك لكن أنا [بيكي]
أنا باحبك .. ليه مايعرفشى أقولها إلا فى السر ..
كوثر .. كوثر .. مدى لى إيدك . أنا باغرق فى
عالم كله ضلمة .. ضلمة .. حموت وحيد .. يتيم
من غير أمل .. حاموت من غير ما أقولك اللي فى
قلبي .

[موسيقى جنازية .. الأضواء الكاشفة تضيء
الأم وهي تصلى وترفع يدها بالدعاء وتحرك
شفتيها ونحن لا نسمع صوتها ولكننا نرى
وجهها الهادئ المطمئن ويديها المرفوعتين
بالعبادة وشفتيها المرتعشتين بالصلاة ..
رحمى يتجه نحوها وينظر إلى وجهها الهادئ
فى دهشة ويقول بحسرة]

ليه ما باقدرش أصلى زى أمى ما يتصلى .. أمى
وجهها هادئ .. هادئ .. حتقابل الموت بوجه
هادئ . وأنا بأقابل الحياة وأنا أرتجف .. بشوفها
والبيت فاضى عليها زى الخرابة وهى قاعدة
لوحدها تقول لى .. الدنيا ونس يابنى .. بادور فى
البيت .. فين الونس ؟! بيتهى لى فيه ناس قاعدين
معاهما بيونسوها ما بلاقيش حد [ينظر إليها
وهي تتمتم بشفتيها] محنونة مجنونة بتكلم

نفسها.. بتكلم مين دلوقت [بصوت مرتفع
وبدهشة] بتكلمى مين يا أمى [يصرخ مرتاعاً]
مين معانا .. مين معانا .

رحمى

[وهو يتلفت حوله فى الغرفة الخالية] : احنا
لوحدنا لوحدنا مافيش حد معانا .. أنا هنا فى
الأوضة لوحدى مافيش حد معانا [موسيقى
تصويرية]

[صوت الموسيقى يرتفع رويداً رويداً حتى
يصبح ضجيجاً يصك الأذان ثم يسكت دفعة
واحدة حين يلوح رحمى بيديه فى يأس
ليسكت ذلك الضجيج المدوى بداخله .. تلى ذلك
موسيقى رقيقة حزينة .. نأى .. باك معول]

رحمى

[فى شرود] ' من زمان واحنا هنا لوحدنا ..
بنسلى بعض بالحكايات ونصبر بعض بالأمانى
الحلوة .. ونضحك .

[ضحكات مسجلة على شريط ركوردر تبدأ
واضحة ثم تدار بسرعة على الخلفية الموسيقية
للنأى الحزين فتبدو ضحكات كاركاتورية
عجيبة] .

بضحكت على إيه "

بنعيش فى الخوف ..

خافين من إيه ؟ [يذهب ناحية الباب وضع أذنه
على الباب]

فيه حد بيتجسس علينا ..

فيه حد حاطط ودنه على خرم الباب ..

فيه حد حاطط ودنه على قلوبنا ..

بيسمع دبة النملة حوا قلوبنا .

[بصوت كله أسى] : مفضوحين مفضوحين .

أمى كانت دايماً دايماً دعيانا بالستر . فين الستر ..

احنا مفضوحين .. دى مش حياة [يصرخ] دى

فضيحة .. أودى وشى فين ؟

نفسى فى لحظة حلوة أعيشها فى السر من ورا كل

الدنيا .. بعيد عن نور النهار ..

لحظة واحدة أعيشها من غير بطاقة شخصية . من

غير اسم .. من غير عنوان . من غير مرة فى

الدليل .. من غير دوسيه .. لحظة أحب فيها وأكره

من غير عينين واسعين يفضحونى

لحظة أتكلم فيها من غير واحد تانى على الخط

بيسمعنى .

لحظة واحدة أعيشها من غير خوف .. الخوف

فطيع فطيع

ساعات الانتظار طويلة .

سى

انتظار النهاية ..

أنا تعبت من الانتظار ..

عايز أعرف إيه النهاية ..

إيه نهاية ده كله ..

مش قادر أتعذب أكثر من كده .. مش قادر أنتظر

[تجحظ عيناه ويهمس بصوت مبجوح] . حستعجل

النهاية .. مش حانتظر ولا لحظة بعد كده .

[يفتح أحد أدراج المكتب فى عجلة وارتيباك وهو

يتلفت حوله ويخرج مسدساً ملفوفاً فى قطعة

قماش يقلب المسدس] أخيراً [يقلب أمام عينيه

فى فرح حيوانى .. يفتح المسدس .. ويخرج

الرصاصات ويتأكد منها ثم يعيدها إلى مكانها..

يداه ترتجفان عيناه جاحظتان .. يضع المسدس

على صدغه]

طلقة واحدة وأخرج منها خروجاً أبدياً [تتسع

عيناه من الذعر] لكن حاخرج أرواح فين [يعيد

المسدس إلى مكانه بالدرج وهو مازال يرتجف

ويهمس [حاخرج أرواح .. أرواح فين .. مين رجع

بعد الموت يقول لنا راح فين ؟

مفיש فايدة .. مفيش حل .. لازم حاقعد هنا للآخر .

لآخر الجلسة . لآخر المحكمة .. آخر ورقة فى ملف

التحقيق [يلقي برأسه على المكتب فى استسلام

واسترخاء ويغمض عينيه]

يخفت الضوء على المسرح وبيدا رويدا .. وسمع

صوتاً يهتف (محكمة) . ونشق ارض العرفة

لتخرج منها هيئة المحكمة التى رأيناها فى الفصل

الأول بنفس ملابس السجن التى ظهرت بها ..

تظهر كل شخصية منها فى حالة من الضوء التام [

[ينادى] . رحمى سعودى [لا أحد يجيب ..

يعود إلى المفاداة بصوت عصبى حاد يصك

الأسماع] : المتهم رحمى سعودى

[يرفع رأسه ويجيب فى تبجح وعصبية]

مش موجود .. [يصرخ فى تحد] مش موجود

[كل أعضاء المحكمة يشيرون بأصابعهم إليه ..

يتقدم الحاجب ويمسك به من كتفه ويسحبه

إلى قفص الاتهام حيث يلقي به] .

[فى زى ممثل الاتهام .. يتركز عليها النور

ويخفت على الوجوه الأخرى] المتهم ينكر

نفسه.. المتهم وصل به الإجماع إنه ينكر وجوده

[يهب واقفا فى تحد] : أنا حر فى إكار ما لا

يعجبني .. [يضحك ألسنتشارون .. ويتمايل كل

واحد على الآخر وهو يضحك وتنتقل ضحكاتهم

حسب

حسى

حس

حسى

حتى تشمل هيئة المحكمة كلهم]

القاضي الشرقاوي : حر .. ؟ [يضحك] حر إزاي بقى .. آمال القفص ده إيه ؟

رحمى : أنا أنكر شرعية المحاكمة دى كلها .

الشرقاوي : تنكرها بصفتك إيه ؟

رحمى : بصفتى رجل قانون .

[يعود المستشارون إلى الضحك]

القاضي الشرقاوي : [فى سخرية] : رجل قانون [يضحك] أنت مجرم يابنى .. أنت معتقل .. أنت مطلوب إعدامك .

رحمى : [فى حدة] أنا متنازل عن الحياة اللي عايزين

تعدموها .. مش عايزها خدوها .. أنا شايف أنها ما

تساويش حتى أجرة الدفاع عنها .. ما فيش لازمة

تتعبوا نفسكو فى محاكمة وشهود ومحاضر

وجلسات .. أنا متنازل .. ومستعد لرد كل المكاسب

اللى كسبتها فى الحياة التافهة دى .. بما فى ذلك

العدالة المقدسة اللى بتمثلوها .. [يصرخ] ظظ

فيكم كلكم ، وظظ فى الدنيا بتاعتكم .

[تنفجر المحكمة فى ضحك مجلجل متصل] .

رحمى : [يصرخ] : أنا حاموت فى الوقت اللي أنا عايزه .

[الشرقاوي يضحك والمستشارون يضحكون]

رحمى : [يصرخ] : أنا حاموت فى الوقت اللي أنا عايزه

[يحاول أن يخنق نفسه فى القفص .. يهجم

عليه الحاجب] .

[تملئ على كاتب الجلسة بصوت جوهري]

جريمة شروع فى قتل .. اكتب عندك فى المضبطة

المتهم شروع فى قتل نفسه . وبذلك تصبح عدد

جرائمه ١٧ جريمة قتل .

[يصرخ باكيا] : أنا حر فى نفسى .. أنا حر فى

حياتي .. أنا مش عايز أعيش .. أنتو مالكو .. ده

حقى .

لحياة من شأن الله وحده هو الذى يعطيها وهو

الذى يأخذها .

[يسقط على ركبتيه] : يارب ارحمنى

اليوم يسقط المجرم على ركبتيه طالباً من الله

الرحمة .. وبالأمر كان يمشى معتقداً جباراً لا

يرحم .

هو أنتو حاتحاسبوني عايزين متى إيه ؟

عايزين نعلمك العدالة ؟

يا استقلت خلاص . سبت كرسي العدالة

نفضت إيديا من العدالة .

وأفعلك ؟ [يكشف عن ذراعيه اللتين مازالتا

مقيدين بالسلاسل ويلوح بهما فى وجه

حمى

سرفوى

رحمى

كوش

رحمى

الشرقاوي

رحمى

لشرقاوي

رحمى [نفضت إيدك من أفعالك .. وهل فى إمكانك
الاستقالة من أفعالك .. والانفصال عن ماضيك ..
والدم اللى سفكته ؟

رحمى

[يصيح] الماضى انتهى خلاص .. أنا استقلت ..
أنا على المعاش - محدش له عندى حاجة أنا
حاليئدى من جديد .. حا فتح صفحة جديدة من
حياتى

الشرقاوى

الماضى ما انتهاش .. الماضى عايش معاك ..
الماضى هنا منتظر خارج الحكمة .. تحب نستدعى
لك الماضى [يخطب بالشاكوش الخشبى على
المنصة ويصيح] الحاجب ينادى على الماضى
[صدى الصوت يدوى فى أرجاء المحكمة :
الحاجب ينادى على الماضى]

الحاجب

[ينادى من ورقة فى يده] . المجنى عليه وديع
بشائى .. المجنى عليه جرجس بشائى .. المجنى عليه
راغب بشائى [تنشق الأرض ويخرج منها
المجنى عليهم بملابس السجن والقيود فى
أيديهم .. وحول كل منهم هالة الضوء ..
الحاجب يستمر فى استدعاء الأسماء بصوت
أكثر شدة] سليم أبو الغيط .. سالم أبو الغيط ..
محمد أبو الغيط .. رضوان أبو الغيط [يخرجون

من الأرض فى لحظة مناداة أسمائهم] عم
بيومى .. أنيسة العالة . شفيقة البنهاوية .. أم
لولخط

[المسرح الآن ممتلئ بالوجوه والأشخاص
وكلهم بملابس السجن والقيود فى أيديهم ..
يشاورون على رحمى ويلقظون] .

[يدق بشاكوش على المنصة] . سكوت من
فضلكم .. إيه رأيك فاكرك الوجوه دى ؟

لشرقاوى

[مبهوتاً] جم منين دول .. دنا حكمت عليهم
بالإعدام . شقتهم كلهم .. إيه اللى جابهم ؟
[يصرخ] إيه اللى جابهم ؟

رحمى

تقدر تنفض إيدك منهم . [المجنى عليهم يلوحون
فى وجهه رحمى ويتزايد لغطهم وضجيجهم
يرتفع على صوت المحكمة ويصك الأذان]

لشرقاوى

[يصرخ] : سكوت [يسد أذنيه] سكوت
[يرتفع صوت الضجة .. يختلط بقهقهات
السخرية .. وإشارات الاستهزاء] .

رحمى

[يدق بشاكوشه فتسكت الأصوات] . خلاص
مبقاش لك حكم عليهم دلوقتى .. ماتقدرش
تسكتهم دول فى عالم تانى غير خاضع لك .. هما
دلوقت اللى يسكتوك .

لشرقاوى

رحمى [ينقل بصره بينهم في رعب] : دول شياطين ..

أشباح .. أرواح شريرة .. أنا حاصدر حكم
بإعدامهم تانى ..

[كورس من الأصوات يردد فى سخرية : تانى ؟]

رحمى [يصرخ] : دى مهزلة .. محكمة مشكلة من

مجرمين قتلة سفاحين لصوص .. عصابة تتآمر
للعث برجل شريف

[صفير استهزاء .. ضحك .. كلهم يرددون فى

كورس] : ' شريف جداً .. يقتل بستين جنيه فى
الشهر .. الراس تقف باتنين جنيه .. بريال فى
الجملة . يا بلاش يا شرف .

رحمى أنا أطلب القبض على هذه المحكمة المزيفة .. قين

البوليس ؟

الشرقاوى : مفيش بوليس هنا .. البوليس ده كان عندك فى

العالم بتاعك .. العالم اللي تخليت عنه وتخلي
عنك .. أنت دلوقتى لوحك .. مفيش حد معاك .

رحمى ربنا معايا .

كورس عشا الغلاية عليك يارب .

الشرقاوى ولا ربنا

رحمى [يبكى] : ربنا معايا .. أنا إنسان مظلوم

الراجل بيعيط زى ولايا السيدة . حاشيل مخلة

ويسرح على باب الله .

الشرقاوى ومن امتى كنت يتاخذ بالعدل الإلهى . أنت شنتت

دول بعدك والا بالعدل الإلهى .. لما كانوا بيقولوا

يارب .. كنت بتعمل فيهم إيه ؟

رحمى : دول سفاحين .. مجرمين .. قتلة .. مايعرفوش

ربنا

كورس عرفت منين ؟ دخلت ضميرهم ؟

رحمى أنا كان قدامى أوراق .. دوسيه لكل واحد .

الشرقاوى أوراق .. أوراق .. ده كل اللي تعرفه عنهم .. كل

روح عندك عبارة عن ورقة .. إمضاء . بلاغ .. هى

دى العدالة .. واللى ماغندوش أوراق .. واللى

مايعرفش يكتب .. واللى مالوش محامى .. واللى

مالوش شهود .. تعمل فيه إيه ؟ عم بيومى اللي

مالاقاش شاهد يشهد له .. عملت فيه إيه ؟

رحمى [يصرخ من بين المجنى عليهم صرخة مدوية]

إعدام يا بيه إعدام .. شنقنى من غير رحمة ولا

رأفة .

رحمى [يصرخ] : وعاوزنى أرأف بقاتل سفاح يحرق

ابنه بالجاز ويولع فيه .

رحمى [يصيح] : برىء .. وعهد الله برىء .. ده ابنى

هو اللي حرق نفسه

رحمى : كذاب .. ده قاتل أثيم .. الأدلة تدمغه .. وابنه اتهمه
قبل ما يموت .
الشرقاوى : ننادى على ابنه اللي مات ونسأله .
الحاجب : [ينادى] أحمد بيومى . أحمد بيومى
[تنشق الأرض ويخرج ولد سنه ١٢ سنة]
الشرفاوى : تعال يا بنى . احك لى .. إيه اللي حصل ؟
أحمد : أنا اللي حرقت نفسى .. وقلت إن أبويا هو اللي
حرقنى .. عشان كان بيضربنى .. كان دايماً
بيضربنى [يبكى] .
الشرقاوى : [إالى رحمى] : هيه .. إيه رأيك ؟
رحمى : [فى صوت باك] الولد هو اللي غير أقواله
دلوقتي وأنا ذنبى إيه .. وأنا أعمل إيه ؟
كورس : يا سلام على العدالة يا سلام [يقلدونه] أنا
أعمل إيه .. أنا ذنبى إيه ؟
الشرفاوى : وأنيسة العالة ؟
رحمى : أنيسة العالة قتلت جوزها وهو نايم باعترافها فى
التحقيق . قالت بلسانها إنها خنقته .. فيه إيه بعد
كده ؟
أنيسة : [تولول بصوت مسرع] : والنبي يا سعادة
البيه كنت ليلتها نائمة وملطوشة بالأفيون ما كنت
عارفة بأعمل إيه .. وانهبياً لى إن الراجل سابنى

حى

رحمى

رحمى

كورس

الشرقاوى

رحمى

الثلاثة

رحمى

السلالة

واتحوز على .. واتلبشت ما بقيت دارية بنفسى
وما قلتش الكلام ده ليه فى التحقيق ؟
خفت قالولى الأفيون حايدويكى فى داهية ..
حاتخدنى فيه ٢٥ سنة سجن .. ولما فقت لنفسى
مالقتش للدنيا طعم من بعد المرحوم [تبكى] كان
عندى أموت مشنوقة ولا أطلع براءة وأعيش
بحرقته كنت بحيه
وأحدة مغفلة .. حأعمل لها إيه ؟ أنا ذنبى إيه ؟
[يقلدوه] : أنا حأعمل إيه ، أنا ذنبى إيه ؟
وعيلة أبو الغيط اللي شنقتهم بالحملة ؟
دول كمان حد يدافع عنهم .. أربع وحوش اتكاثروا
على واحد وقطعوه عشرين حبة وحطوه فى شوال
ورموه فى الساقية .. عاوزنا نعمل لهم إيه ..
نديهم نيشان ؟
[سالم ومحمود ورضوان أبو الغيط يتحدثون
فى وقت واحد]
الحق لله اللي قتل هو سليم أبو الغيط .. ماخذ ما
مد إيده .
واعترفوا ليه معاه ؟
إلا مالكش حق فيه دى يا سعادة البيه . كله إلا
كده دا احنا عيلة واحدة . والتار تارنا والعار

بالجوع .. بالجوع يا بيه يا متعلم !
 دأ سلاح غير وارد فى المادة ٢٢٤ عقوبات ،
 : ده سلاح بيقتل مجتمعات بحالها يا حضرة
 القاضى العظيم ..
 : وأنا عايز وقائع .. حيثيات شهود .. اعترافات ..
 أحرار مش كلمة عايمة زى الجوع
 الشهود كانوا قدامك .. فى كل مكان .. فى
 الحوارى والغيطان عيونهم بتقولك كل حاجة ،
 : الشهود فى المحكمة قالوا لى إن ميشيل مارديكيان
 راجل شريف
 كدابين محترفين .. اشتراهم بالفلوس .
 : وأنا ذنبى إيه .. وأنا جاعل إيه إذا كان كل واحد
 بيكذب .. وكل واحد بيفير أقواله ؟
 . كل واحد فى الدنيا بيفير أقواله .. وكل واحد
 بيكذب .. وأنت بتكذب .
 يبقى معيش فايدة . يبقى ازاي حانوصل للعدالة ؟
 يبقى إيه لازمة الغرور .. ليه ندور القتل فى
 الناس ؟
 لازم يكون فيه نظام .
 : اللى عملته هو الفوضى .. منتهى الفوضى .
 : جايز أكون أعدمت عشرة خطأ .. لكن النظام

تورس

حمى

السرقاوى

حمى

السرقاوى

رحمى

السرقاوى

رحمى

السرقاوى

رحمى

السرقاوى

رحمى

السرقاوى

رحمى

عأرنا .. ومين حليشيل الدم إلا أصحابه ؟! وهيه
 عيبة هانتبرى منها .. دا شرع كل واحد يتمنى
 يطوله .

عيلة أبو الغيط . عدم المؤاخذه يا بيه .. أصل سلو بلدنا كده .

رحمى أما مجانيين صحيح .

السرقاوى . هيه .. إيه رأيك ؟

رحمى : وأنا أعمل إيه .. أعمل إيه .. إذا كان كل واحد

بيخس الحقيقة .

السرقاوى : طيب وقضيتى أنا فضل السرقاوى .

رحمى ودى فيها إيه كمان قاتل ومعترف ومثلبس .. قتل

مع سبق الإصرار والترصد . عايز تاخذ إيه ..

جائزة نوبل ؟

السرقاوى : أيوه لكن قتلت مين ؟

رحمى : ميشيل مارديكيان صاحب شونة التسليف

الراحل اللى سلفك .

السرقاوى : بالربا الفاحش .

رحمى : مفيش إثبات ..

السرقاوى : واخذ أرضى ..

رحمى : لسداد الدين المذكور أعلاه .

السرقاوى : وقتل أولادى السبعة .

رحمى : بيايه ؟ بالتزويج المغناطيسى ؟

استتب نتيجة الخوف .

الشرقاوى . الى استتب هو الإجرام .. القتل الى أصبحت له
شركات زى حليات صراع الثيران . الحروب
العالمية اللي بيتقتل فيها الملايين تحت ستار
الوطنية والشرف والعدالة .

رحمى وأنا مالى .. وأنا اللي باعمل الحروب كمان
الشرقاوى الى يشعلها واحد زيك .. إنسان متبجح صفيق ..
بيقول .. عدالة .. حق .. شرف .. نظام [وفى
خشونة] مجرم أثيم لا يكتفى بالإثم .. وإنما
يتباهى به .. الخطايا تفتقر لكن ما لا يغتفر .. هو
وقار الخطايا وعزة الآثام .. هالة الجلال اللي
ماشى بيها فوق راسك هيه دى الكدبة الكبرى التي
لا تعتفر

رحمى انتو ناس مجانيين عايرين مجتمع من غير
قضاة .. من غير نظام .. من غير عدل .

الشرقاوى إحنا عاوزين نظام تكون فيه الرحمة فوق العدل .

رحمى : طيب ما ترجموني أنتو [يبكي] ما ترجموني ..
رحمتكم اتسعت لكل المجرمين [يشاور إلى
المجنى عليهم] القتلة دول وضاعت بإنسان
شريف مظلوم زىي ..

الشرقاوى مظلوم إزاي بقى ؟! الأستاذ رحمى المستشار

الخطير مائة فدان فى المنوفية ووظيفة درجة أولى
بالسلك القضائى .. دكتوراه من فرنسا .. وكلمة
مسموعة وهالة من التقديس والاحترام . ومظلوم ؟
ده أنا عيان .. أنا مريض بالسكر .. والروماتزم .
وتصلب الشرايين .. والزلال .. والقرس والكبد .

حمى

[المحكمة تططق بالأسنة فى أسف ساخر]

دورس

مسكين مسكين علبان

[فى أسف ساخر] : لا . لا بأس عليك . وليه

سرقاوى

تهمل نفسك كده ؟! ليه ماتروحش لدكتور ؟

مفيش دكتور عارف يعالجنى .. كل دكتور يكشف

رحمى

على يقول لى أنت مهموم بتتخيل أمراض مش

موحدة

[المحكمة مازالت تططق بالسنتها فى أسف]

حرام . وليه تتخيل كثير كده ؟

اشرقاوى

أنت لازم واسع الخيال قوى

كورس

أنا إنسان مظلوم .

رحمى

أنت مؤلف مظالم .. مخترع شكاوى .

لشرقاوى

أعمل إيه .. أروح لين ؟

رحمى

روح للمجلس الأعلى للاختراع .. سجل اختراعاتك

اشرقاوى

دى هناك .. حرام تضيع المواهب الخطيرة دى من

غير ما تستغلها

رحمى : أنت بتتريق ؟
الشرقاوى : أنا بتصحك لمصلحتك .
رحمى : مصلحتى ؟ فيه حد فى الدنيا بي فكر فى مصلحتى ؟
الشرقاوى : [يشاور على المجنى عليهم وعلى نفسه] كلب اتشبقا من أجل مصلحتك .. عشان ما يتقال عنك القاضى النزيه الحازم .. مش مكيف احنا كلنا ؟
رحمى : أنا كنت بأخدم العدالة .
الشرقاوى : أنت كنت بتخدم نفسك
رحمى : أنا مظلوم .. ماحدش فاهمنى .. انكل خذلونى .. حتى أصدقائى خذلونى .. حتى أهلى خذلونى .
الشرقاوى : أنت أول واحد خذلت نفسك .. الأمراض اللى بتقوى جسمك هييه العقاب اللى أنزلته بنفسك .. أنت حكمت على نفسك بالأحكام اللى حكمت بيها علينا الموت الموت ببطء
رحمى : [يصرخ] : لا .. لا ..
الشرقاوى : الموت ببطء فى الوهم والوسواس والخوف .
رحمى : الرحمة .. الرحمة
الشرقاوى : اطلب الرحمة من نفسك .. أنت الجانى .. وأنت المجنى عليه .
رحمى : مش معقول .. [يتحسس نفسه]

الشرقاوى : أنت ألد أعداء نفسك .
رحمى : مش معقول .. ده كابوس .. أنا عايش فى كابوس .. انتو أشباح .. أرواح شريرة كلكم أبالسة شياطين أرواح نجسة .. أرواح مجرمين محكوم عليهم بالإعدام وبالخلود فى جهنم إلى الأبد .
كورس : [ساخر] : وأنت معانا فى الخلود بتاعنا .
رحمى : [يصرخ] : أنا مش معاكو .
الشرقاوى : حاتروح فين منّا .. أنت استقلت خلاص ملكش غيرنا .. المحكمة اتقفلت فى وشك .. وبيتك اتخرب حاتروح لمن ؟
رحمى : [يتلفت حوله] حاروح لأمى .
الموجودون : [يرددون فى صوت كئيب] : إنا لله وإنا إليه راجعون .
الشرقاوى : [فى حزن] : أمك توفيت إلى رحمة الله .. البقية فى حياتك .
رحمى : [يعوى من البكاء وينهار فى القفص] أمى .. [ينادى بصوت معول] . أمى .. أمى ..
[سكوت تام لا أحد يرد]
الشرقاوى : الله يرحمها .
رحمى : أمى [يبكى] الأليكى فين يا أمى ؟
الشرقاوى : مش حاتلاقيها خلاص .. راحت العالم الثانى

رحمى : [يتجول ناظراً حوله] : كوثر .. [يتلفت حوله باحثاً] كوثر .. سبتينى ليه يا كوثر . خنتينى ليه يا كوثر .. حاصوت من غير ما أشوفك .. حاموت من غير ما أقول لك .. أحبك .. طول عمرى كان نفسى أقول لك باحبك .

والما قلتش ليه ؟

الشرقاوى

رحمى [يهز رأسه فى حيرة] .

الشرقاوى [سائلاً] . كبير ؟

صوب متعده

مهم ؟؟ عظيم ؟؟ وقور ؟؟ عاقل ؟؟ أكبر من الحب ؟؟

رحمى لا أبداً .. أصغر من الحب

الشرقاوى أصغر بكتير .. يدوبك على قد الكراهية .

رحمى [يتلفت باحثاً مستنجداً] كوثر .. كوثر .

[تظهر كوثر فى دائرة من الضوء]

كوثر . أنت قتلت كوثر .

رحمى قتلت نفسى

كوثر أنا واحدة من ضحاياك محكوم عليها بالإعدام من غير بنود ومن غير مواد فى دستور العقوبات قتلتنى بالإهمال بالشك بالغيرة .. خنقتنى بحبل العقل والوقار والمنطق .

رحمى أنا « قاضى » .. أنا المنطق .. لو تميزت بعواطفى لإنسان حابقى أسوأ « قاضى » فى الوجود ..

حابقى الإنسان الضعيف .

نوثر الإنسان الضعيف هو الإنسان الحقيقى .. هو إنسان الحب .

رحمى كوثر ..

كوثر أنا مش كوثر .. كوثر انتهت . أنت قتلتها بإيدك من زمان .

الشرقاوى وهذه هى الجريمة ١٨ فى ملف المتهم . ١٨ جريمة قتل .. إيه رأيك ؟

رحمى أنا مش فاهم حاجة .

الشرقاوى أفكر دى قضية واضحة لا تحتاج إلى فهم .. بص حواليك تلاقى كل ضحاياك .. كل جريمة من حرايمك بتتكم .. كل فعل من أفعالك يسعى على قدميه .

رحمى [فى ضعف واستسلام] . كفاية .. اللى عايزين تعملوه اعملوه .. عاقبونى وخلصونى .. ما عايش لى حاجة أبكى عليها .. كل اللى كنت باجرى وراه كان كذب فى كذب .. كل الناس كذابين .. ماحدش فاهم حاجة .. الدنيا اللى عشتها بتفكرنى بالروايات البايخة اللى كنا بزوجها زمان واحنا عيال .. ونطلع نسقف ونقول .. سيما أو انطه هاتوا فلوسنا . أنا كما عاوز أرجع التذاكر وأخذ

فلوسى.. خلاص .. هاتوا فلوسى .. عاوز أطلع .

[يضحك] . تطلع فين ؟

عاوز أطلع بره .

[يضحك] بره فين ؟ مفيش بره .

بره الأكاذيب دى ..

بره الأكاذيب دى فيه أكاذيب تانية .. كل العالم

اللى أنت فيه أكاذيب .. تطلع من كذبة تلاقى كذبة

[يضحك] أنت عارف أنت فين .. أنت فى جهنم ..

دى [يشير إلى ما حوله] اسمها جهنم .. واحنا

زبانية جهنم .. حانعيش طول عمرنا كده مع بعض

نطلعك من كذبة ندخلك فى كذبة .. نعذب فيك ..

وتعذب فينا إلى ما لا نهاية .. إلى الأبد .

[فى رعب] : مش معقول .. مش معقول

أبداً .. هى دى الحقيقة ..

طيب وفين النار ؟

النار فى قلوبنا [يشاور على قلبه] .. جوه ..

أعوذ بالله

وأنت مقضى عليك بالحياة زى طور الساقية اللى

متغمية عنه .

وفين المذنبين التانيين ؟! هو مفيش حد مذنب فى

الدنيا غيرى ؟! فين توفيق ؟ فين صراتى اللى

الشرقاوى

رحمى

الشرقاوى

رحمى

الشرقاوى

رحمى

الشرقاوى

رحمى

الشرقاوى

رحمى

الشرقاوى

رحمى

الشرقاوى

رحمى

الشرقاوى

رحمى

الشرقاوى

رحمى

الشرقاوى

رحمى

خانقتى ؟ فين الناس اللى كذبوا على ؟ فين الناس

اللى غرروا بى ؟

ده سحن انفرادى .

ومفيش محاكمة .. مفيش حساب .

طول الوقت محاكمة .. حياتك كلها محاكمة ..

جلسة معقودة طوالى .. استجواب لا نهائى

طول عمرنا حانقعد نحاكم فيك . احنا وانا إيه "

محاكمة من غير حكم مفيش نهاية مفيش

حكم .

جاير يكون فيه حكم .. وحايز مايكونش فيه حكم

ماحدش يعرف

مفيش أمل "

الامل دى كلمة شاعرية .. مالهش معنى فى

قواميس الواقع اللى عندنا ..

[يصرخ] . وانتظلم لمين ؟! فهمونى ؟

انتظلم لنا برضه .. مفيش هيئة غيرنا

وفيه نتيجة للتظلم "

جايز يكون فيه نتيجة . وجاير مايكونش فيه

نتيجة ماحدش يعرف "

[يصرخ] مش معقول اننو عايرين تجبوسى

[يبكى]

الشرقاوى

رحمى

الشرقاوى

رحمى

الشرقاوى

رحمى

الشرقاوى

رحمى

الشرقاوى

رحمى

الشرقاوى

رحمى

الشرقاوى

رحمى

الشرقاوى

رحمى

الشرقاوى

رحمى

الشرقاوى

رحمى

[هيئة المحكمة تطلق بالسنتها في أسف]

الشرقاوى : لا .. لا .. عيب الكلام ده .. أنت راجل كبير ..
مستشار عظيم قد الدنيا .. قانونى عبرى .. لا ..
لا ..

[المحكمة تطلق بالسنتها في أسف .. وتردد

في وقت واحد] وده برضه كلام .. واحد زيك
يعيط ؟! خليت إيه للعيال .. كويس كده الناس اللي
شبقتهم بيتفرجوا عليك يقولوا عليك إيه ؟

[صوت مدو يُسمع من خارج المسرح]

البوسطجى : تقرير الطبيب الشرعى وصل ..

[رضى ينتفض واقفاً فى قفصه ويضىء وجهه

بالأمل .. ويبدو عليه التوتر والخوف ..

والفضول .. والنفه .. وهيئة المحكمة تعتدل فى

أماكنها .. وتمتد أيديها نحو التقرير المجهول ..

يدخل رجل فى زى « بوسطجى » يحمل رسالة ..

يتقدم بها إلى الشرقاوى .. الرسالة عبارة عن

لغافة طويلة من جلد الغزال تشبه الرسائل التى

كان يتبادلها السلاطين والخلفاء فى غابر

الآزمان .. الشرقاوى يفض اللغافة .. اللغافة طويلة

جداً تتدلى على الأرض .. يمد الجميع أبصارهم

ليقرأوها .. كل واحد يمسك بمطلع منها .. كلهم

يقرأون فى صوت واحد .. بصوت فيه رهبة]

- اتضح بالكشف الدقيق على المتهم سعودى
أنه مجنون جنوناً مطبقاً .. وغير مسئول عن
أفعاله.

[تبدو الحيرة وعدم التصديق على الوجوه ..

يعودون إلى القراءة من جديد بنغمة أخرى]

- اتضح من الكشف الدقيق على المتهم رضى
سعودى .. أنه مجنون جنوناً مطبقاً .. وغير
مسئول عن أفعاله .

الشرقاوى : [يهز رأسه فى إشفاق] مسكين !

[صدى صوت كلمته يتردد على الشفاه .. وفى

ميكروفونات مركبة فى أماكن مختلفة]

- مسكين .. مسكين !

[يلف اللغافة من جديد ببطء ويربطها بالرباط

الحرير .. همهمة ولغط فى المحكمة يرتفع

رويداً رويداً حتى يصبح ضجة .. وجه رضى

أصفر شاحب ، ولكنه بيتسم ابتسامة مرتجفة]

الشرقاوى : بناء على تقرير الطبيب الشرعى وحيث إنه ثبت

جنون المتهم المطبق وعدم مسئوليته عن أفعاله ..

نحكم بما هو آت .. براءة المتهم من الجرائم

النسوبة إليه .. والإفراج عنه وإطلاق سراحه فوراً .

[لغط وهمهمة حتى تصبح ضجة .. إشارات استنكار .. وصيحات احتجاج .. المجنى عليهم يدقون الأرض بأرجلهم]

الشرقاوى : [يدق بشاكوشه] : وعلى حارس المحكمة أن يسلمه إلى أهله .

الحارس : [يفتح القفص ويسحب رحى من يده إلى الخارج] : المتهم ملوش أهل يا أفندم .

الشرقاوى : إذن يسلم إلى ضميره .

[موسيقى تأثرية عنيفة تعزف فيها كل الآلات فى وقت واحد .. أصوات كالصاعقة .. ثم تختفى المحكمة دفعة واحدة ، ويختفى الموجودون جميعهم وتبتلعهم الأرض .. لا أحد يبقى سوى رحى .. واقفا وحده فى غرفة المكتب الواسعة التى يعمل بها فى نور الأباجرة المظلل الخافت .. مازال صدى الصوت يتردد فى ميكروفونات متعددة وبنغمات مختلفة]

صدى صوت خافت : يسلم إلى ضميره .

رحى : مستحيل .. مستحيل .. أنا اتعذبت كفاية .

الصوت : [فى همس] : يسلم إلى ضميره .

رحى : مستحيل .

الصوت : [فى همس خفيض] : يسلم إلى ضميره .

رحى

: مش ممكن أسلم نفسى لحد .

[يتلفت حوله .. يتجول باحثاً عن مخرج]

وحاروح فىن ؟

[يتلفت فى جزع باحثاً فى ركن]

حا أهرب إزاي ؟

: يسلم إلى ضميره .

الصوت

[رحى ذراعاه مفتوحتان فى حيرة لا حد لها ..

يتحسس الجدران بيديه باحثاً عن منفذ .. يحرك

أكرة الباب ولكن الباب لا يفتح وكل الأبواب لا

تفتح .. وتتسع عيناه من الذعر .. يخطب بيديه

على كل مكان فى الجدار .. يخطب على الأبواب

.. (الهمس يرتفع فيصبح خشناً) .

يسلم إلى ضميره .. يسلم إلى ضميره ..

رحى : [يدق بجماع قبضته على الجدران] : الباب ..

الباب .. فىن الباب ؟

: يسلم إلى ضميره .

الصوت

[صدى غليظ فظيع يرج المسرح .. رحى ينهار

باسطاً ذراعيه فى استسلام .. تنفتح نافذة فى

الغرفة .. يبدو منها وجه الأم غارقاً فى

الضوء .. وجهها شاب .. لقد عادت إلى شبابها]

: [فى حنان] مالك يا بنى ؟

الأم

رحمى : أنت فين يا أمى ؟! قالو لى إنك مت يا أمى .

الأم : مفيش حد بيموت يا بنى .

رحمى : لكن أنت رجعتى شابة يا أمى .

الأم : القلوب الطيبة ما تعرفش الشيخوخة .. الشيخوخة

فى الدنيا بس .. لكن هنا مفيش شيخوخة .

رحمى : لكن أنت معانا فى الدنيا .. أنت بتتكلّمى من الدنيا

يا أمى ؟

الأم : أنا مش فى الدنيا .. أنا انتقلت .

رحمى : يبقى هم ما كدبوش على .. تبقى أنت ميتة ..

الأم : الموت ملوش وجود .. احنا بنغير العنوان .. كل

اللى بيحصل إن احنا بنغير العنوان .

رحمى : لكن الدنيا اللى أنت فيها جميلة يا أمى .. كلها نور

نفسى آجى عندك .

الأم : تعال يا بنى ..

رحمى : آجى إزاي والأبواب كلها مقفولة على .. أنا

مسجون .

الأم : أنت اللى قفلت على نفسك .. أنت اللى سجنحت

نفسك ربنا بيساع فى رحمته كل الناس .. لكن أنت

اللى حرمت نفسك من رحمة الله .. قفلت عقلك مش

عايز تصدق .. قفلت قلبك مش عايز تحب .. خنقت

عواطفك مش عايز ترحم .. مش عايز تأمن بأى

رحمى

الأم

رحمى

الأم

رحمى

الأم

رحمى

حاجة .. أنت اللى بنيت حواليك الجدران دى كلها .

[يخبط فى الجدران] : مش معقول يا أمى ..

أنت بتضحكى عليه .. أنت فكرانى لسه طفل صغير

.. أنت ميتة يا أمى .. وبتضحكى على .

مفيش موت يا بنى .

: حا أزورك فى القرافة .. كل الميتين هناك .

: مش حاتلاقينى .. حاتلاقينى مجرد جسم .. مجرد

تراب .. ورقة غياب .

[يصرخ] : يعنى إيه ؟! يعنى احنا مش حانموت

أبدًا .. يعنى مفيش نهاية ؟

[فى هدوء] : مفيش نهاية ..

[يستدير فى يأس يواجه الصالة ويصيح

بصوت جهورى] : سامعين .. يعنى .. مفيش

نهاية [ينهار تمامًا] .



قطاع الثقافة
والكتب والمكتبات

